

ՎԱՀԱՆ ՏԵՐՅԱՆ

(ՕՆԵՂՅԱՆ 100-ամյակի առթիվ)

Բանասիր. գիտ. դոկտոր Ս. Բ. ԱՂԱՐԱՅԱՆ

1934 թ. Ա. Խանջյանի կարգադրությամբ Եղիշե Չարենցը Գրական թանգարանից իր աշխատասենյակն է տեղափոխում Վահան Տերյանի ձեռագրերը, որոնք հարուցում են Հիշատակարանի հետևյալ գրառումը. «Մի զարմանալի քնքուշ և խնդագին զգացմունք եմ ունենում յուրաքանչյուր անգամ, երբ հիշում եմ, որ այնտեղ, գրասենյակիս դարակում, պահված են Տերյանի—հասկանում ե՞ք—խսկակա՜ն նրա ձեռագրերը... նրա ձեռքով գրված այդ թերթիկները... Երբ անշափ տխուր եմ լինում—հանում եմ և՛ նայում... Կարծես արեգակն է պահված իմ գրասենյակի դարակում... Այդ մետաքսյա թերթիկները—ծածկված շինական սև մելանով, գոված չքնաղ, աղնվական գրերով... Զարմանալի մաքուր և գեղեցիկ ձեռագիր է ունեցել այդ մարդը։ Ձեռագիրն անգամ նուրբ է, ինչպես նրա ողջ ստեղծագործությունը—նուրբ ու մաքուր։ Իմ կյանքի ամենամեծ խնդությունն է դա՛ հանել մեկ-մեկ այդ ձեռագրերը և նայել...

— Օ, հեռու ընկեր իմ, օ Վահան Տերյան...»¹։

Նույն Հիշատակարանում Չարենցը նկարագրում է հողեղեն, իրական Տերյանին՝ Թիֆլիսի Բարեգործական թեյատանը, Կարա-Դարվիշի հետ գրուցելիս։ Չարենցը գրում է. «Ինձ համար Տերյանն այն ժամանակ ոչ միայն հանճարեղ պոետ էր, այլև միֆական անձնավորություն... Իմ տպավորության մեջ անջինջ մնաց նրա թուխ, մի փոքր դեղնավուն, խիստ հալկական դեմքը և սև աչքերի խոնավ նայվածքը. նրա դեմքին կուրծքս մշուշ կար և նրա աչքերը այդ մշուշի միջից նայում էին խոնավ նայվածքով... Դեմքը թեկուղև հալկական էր, մի փոքր կոպիտ դիմագծերով, սակայն թողնում էր ծայր աստիճանի կրթված, մտավոր աշխատանքով ապրող մարդու տպավորություն։ Դեմքի վրա կար հիվանդագին հոգնածության կնիք—և նրա կերպարանքն ամբողջովին համապատասխանում էր նրա պոեզիային...»²։

Չարենցն ունի Վահան Տերյանին բնութագրող բանաստեղծական բազմաթիվ Ձոներ՝ սկսած Վերագարձի կանչից (1927 թ.) մինչև կյանքի վերջում (1937 թ.) գրած Տաղերը՝ «նաիրյան խոսքերի գանձարանի» թեմաներով։ Նրա բնութագրություններից թերևս սամենասպառուշը հետևյալն է. «Սրտաբեկ, տըխուր պոետ արևավոր»։ Արդարև, Վահան Տերյանի բանաստեղծական աշխարհը տխրությունների և արևալույսերի, ազգային թախծությունների և ազգային մաքառումների, հոգեկան ընկրկումների և հոգեկան բոցավառումների, անձնական և վերանձնական ապրումների մի հրաշալի համադրություն է։

Համադրականության՝ շաղախի, այդ որակով Վահան Տերյանը երևաց արդեն 1908-ին հրատարակած «Մթնշաղի անուրջներ» իր առաջին գրքում,

1 Ե. Չարենց. Երկերի օղովածու. հ. 6, Երևան, 1967, էջ 477։

2 Նույն տեղում, էջ 480—481։

ուր տխրությունների, մոռացումների, անհայտ ճանապարհների, անույս գիշերների, անջատումների պատկերային շարքերի կողքին տեղ ունեին նաև լուսեղեն գարունների, լուսաբացների, արևների, երկունքների պատկերային խորհրդանշանները:

Մթնշաղային հեռապատկերների և կապույտ մշուշների միջից Տերյանի առաջին իսկ գրքում իր հայտնությունն է աղղարարում գարնան և արևի զարթոնքը.

Եվ ահա կրկին գվարթ ու ջահել,
Դուրս ելա տխուր մենության րանտից,
Պայծառ աչքերդ ողջունում են ինձ,
Եվ ես շեմ կարող իմ ճիշդ պահել:

Բացել ես իմ դեմ ոսկեղեն հեռուն,
Շաղկիլ ես սարում, անտառում, արտում...
Որքան երգեր են հնչում իմ սրտում,—
Ողջուն քեզ արև, ողջուն քեզ գարուն...

Սիմվոլիստների բանաստեղծական մոդելներով համընկած վահան Տերյանը, ինչպես իրեն ամենից հարազատ սիմվոլիստը՝ Ալեքսանդր Բլոկը, ոչ միայն չի մեկուսանում «փղոսկրյա աշտարակում», այլև խորհրդանշանները նյութականացնում է իրական կյանքի գունագծերով: Սա է նրա պոեզիայի թերևս ամենաբնորոշ առանձնահատկությունը՝ առարկայական, նյութականացած խորհրդանշանների արվեստ, որը Վ. Տերյանին մերձեցնում է Ալ. Բլոկի գեղարվեստական աշխարհի մեջ կատարվող խմորումներին: Հայտնի են Ալ. Բլոկի պարբերական գանգատները սիմվոլիստական բանաստեղծական ուղղության անձուկ սահմաններից, կեցության այրող հասարակական հարցերի հանդեպ նվազ ուշադրությունից: 1908 թ. Բլոկը գրում է Վ. Ստանիսլավսկուն. «Մենք իրավունք ունենք դառնալու ռեալիստներ՝ նոր բովանդակությամբ»:

Վահան Տերյանը ևս, հայտնվելով սիմվոլիստական գեղագիտության աղեկեցությունների ոլորտի մեջ և զնահատելով այդ ուղղության մի շարք գեղարվեստական շերտերը, օրինակ, երազելի հանգրվանների՝ հեռավոր աշխարհների որոնման, ուղիների անորոշության, սիրո անհասության, գեղեցկությունների փլուզման վերապրումները, այդուամենայնիվ իր կոսմոսներից, երազներից ու տեսիլքներից շարժվում է դեպի կյանքը, դեպի իրականությունը: Դրա ցայտուն առտահայտությունն է մարդու մենակության թեմայի գրաված լայն տեղը Վ. Տերյանի քնարերգության մեջ:

Դարասկիզբը համարվում է «անճանապարհ» ժամանակ: Մարդու ճանապարհն անցնում էր հոգսերի, ցավերի, տառապանքների միջով, մի խոսքով՝ մարդու հոգևոր աշխարհի առջև ծառացած փակուղիներով, որոնք հարուցում էին ողբերգական շեշտեր: Վ. Տերյանը «որսում էր» մարդուն բաժին հասած այդ շեշտերը՝ դրանով իսկ իր քնարը հարստացնելով դարաշրջանի պատմահասարակական բովանդակությամբ:

Անտարակույս, Վ. Տերյանի բանաստեղծությունները, հատկապես 900-ական թթ. գրածները, սրտաքնապես թողնում են բացառապես ինքնասուզումների տպավորություն: Այնինչ, իրականում, դրանք արտահայտում են նույն այդ թվականների բնորոշ ընդհանրական հոգեբանությունը, մարդու հոգեկան աշխարհի տեղատվություններն ու մակընթացությունները, ժամանակի տեղաշարժերը:

Մարդու մենակության տերյանական մոտիվն ունի բանաստեղծական մի շարք դիպուկ բանաձևեր, որոնցից թերևս ամենասպառիչը և տարողունակը 1915-ին գրած հետևյալ բանաստեղծությունն է.

Մենք բոլորըս, բոլորըս
Մանուկներ ենք որք.
Մանուկներ ենք մենք կորած—
Հավիտյան անմայր.
Մենք բոլորըս մոլորված
Աշխարհում խավար...

Մենք նետված ենք բոլորըս
Նրկիրն այս հեռու,
Կանչում ենք միշտ—ծայն չըկա,
Աղոթում ենք—ո՞ւմ,
Ո՞վ կըփրկի, ո՞վ կըզա,
Որ տանի մեզ տուն...

Ունենալով նման պատկերացում
«մարդու և ժամանակի» հարաբերու-
թյան վերաբերյալ, Վ. Տերյանը, բնա-
կանաբար, պետք է դիմեր մարդկային
կյանքի ողբերգական իրադրությունը
ամոքող դեղաթափերի։ Բանաստեղծի
համար այդպիսի խարիսխ է դառնում,
նախ և առաջ, Սերը, որի «առաքելու-
թյունը» ձևակերպված է մի շարք խոու-
տովանությունների մեջ.

Դու կգաս ու կրկին հեքիաթով կըզյուծես,
Լուսերես կըցրես մառախուղն իմ հոգու...

Եվ ապա՝

Սև թախծն իմ սրտից, մութ խոհերն իմ
ոգուց կըզնան,
Լույսիդ դիմ կըցրվեն ըստվերները
մոռյլ,

Տառապանքը քեզ հետ քաղցր հուշ
և խոսքերդ խորհուրդ
կըզանան, կըհագնեն ուրիշ փայլ։

Մի ուրիշ բանաստեղծության մեջ
Տերյանը գրում է.

Կյանքս մութ էր, հոգիս ցաված ու խավար,
Եվ օրերըս—միայն ցավ.
—Իմ սև երկրում ժպտացիր դու լուսավառ...



Զարմանալի մի հետևողականությամբ Վ. Տերյանը գրում է ցավի ու տառա-
պանքի մասին և նույնպիսի հետևողականությամբ Սիրո Լույսից է սպասում
իրեն համակած տազնապների ու տխրությունների փարատումը։

Հենց այստեղ էլ պետք է ընդգծել, որ Վ. Տերյանի քնարերգությունը
չունի այսպես կոչված անցումային որակներ. բանաստեղծությունների թվա-
գրությունից պարզեիպարզ երևում է, որ գրական առաջին փորձերից մինչև
կյանքի վերջին շնչում գրած բանաստեղծությունը («Գինով եմ, գինով եմ...»)
Վ. Տերյանը եղել է միասնական, աղտահայտելով և անձնական տազնապ-
ների, և՛ հասարակական, վերանձնական ապրումների բարդ ելնէջը։ Բանն
այն է, որ իր աշխարհազգացական կոորդինատներով լինելով անձնական
ցավերը հասարակական գործոններով մեկնաբանող գեղագետ, Վ. Տերյանը
չուրաքանչյուր նոր բանաստեղծություն գրելիս իր հոգու խորքերին նայելուց
բացի՝ նայել է նաև ժամանակի դեմքին՝ գտնելու ապրումների պատճառակ-
ցականությունը։

Այսպես, նրա բանաստեղծական աշխարհն են թափանցում մոլորաշրջիկ-
թափառաշրջիկները, որոնք, ի տարբերություն հայոց բանաստեղծության դա-
րավերջյան պատմության մեջ լայն տեղ գրաված պանդուխտների, արտահայ-
տում են դարասկզբյան «մոլորայինների»՝ «բեկված հոգիների», տրամադրու-
թյունները։ Այդպիսի բովանդակություն ունի, օրինակ, «Փողոցի երգը»՝

Պատուհանիս տակ լալիս է կրկին
Թափառիկ երգչի երգը ցավագին,—

Տխուր այդ երգը վաղուց եմ լսել,
Կարծես թի հս եմ այդ երգը հյուսել,
Կարծես թե ես եմ լալիս այդ երգում,
Կարծես թե քեզ եմ կարոտով երգում:

Կյանքի որբերը՝ անօթևան թափառաշրջիկները, անտուն մոլորալիները, հոգնած ճամփորդները, միայնակ երազողները, պատրանքների և ցնորքի գերիները նայում են լուսեղեն հեռուների կողմը՝ գտնելու հոգեկան դաշնակցության հովիտները:

Հեռու երկրի լուսե հովտում	Մավալում է անանց հանգիստ
Օրերն ուրիշ երգ են հյուսում.	Եվ խնդություն մի անայլալ,
Կյանքից հոգնած սիրտըս տրտում	Մի խնդություն մաքուր ու խոր,
Այն երկիրն է միշտ երազում...	Եվ անեղերք և անվախճան,
Խաղաղությունն այն հեռանիստ,	Ուր քո սիրտը որբ ու մոլոր
Ուր մի ուրիշ արեի փայլ	Գրկում է մի ոսկե շրջան...

Տերյանական մայրամուտային անուրջների և տխրությունների վրա դժվար չէ նկատել իր ամենասիրելի գրողներից մեկի՝ Ա. Պ. Չեխովի ստեղծագործության կնիքը: Այդ են վկայում Անթառամ և Մարթա Միսկարյանների գրած այն նամակների չեխովյան հղումները, որ 1970-ին «Неизданные письма» խորագրով և իր ջերմ առաջաբանով հրատարակեց բանաստեղծի դուստր Նվարդ Տերյանը: Այդ նամակներում մի քանի անգամ հիշատակելով Չեխովի անունը, Վ. Տերյանը իբրև ստեղծագործական առանձնահատկության փաստ ուշադրություն է հրավիրում «տխուր ուրախության» մոտիվի վրա: 1908 թ. դեկտեմբերի 20-ին Անթառամ Միսկարյանին գրում է. «Իմ հոգում ինչ-որ լուսավոր հնազանդություն է և մեղմ ուրախություն: Այդ ուրախությունը նման է այն բանին, ինչ զղում ես՝ գիտելով որևիցէ մեծ գեղեցկություն: Դա աղմկոտ ուրախություն չէ, դա, եթե կարելի է ասել՝ «տխուր ուրախություն» է, որը չի սարսափում մենությունից և ձգտում է մենակության: Այդ ուրախությունը նման է այն տխրությանը, որը, ինչպես ասում է հանճարեղ Չեխովը «Երկու գեղեցկուհի» պատմվածքում, առաջանում է գեղեցկության հետ շփվելիս»⁴:

Չեխովյան պաշտամունքը անհետք չի անցել: Չեխովի կնիքը մասնավորապես զգացվում է այն բանաստեղծությունների վրա, որոնց «գործող անձինք» են նրբակիրթ, գերզգայուն, իրենց հոգեկան ներաշխարհի մեջ սուզված, լուսեղեն անուրջներով գերված մտավորական խավի ներկայացուցիչները: Մթնշաղային անուրջը ժամանակի գլխավոր շեշտն էր, — դրանով է բացատրվում Վ. Տերյանի քնարերգության հարադատությունը «Ճայից», «Բալենու ալգուց», «Երեք քույրերից», արձակ պատումներից ճառագող լուսավոր տխրության տրամադրությանը:

Եվ իհնում է մի անսահման թախիծ:
Հիշում եմ նորից օրերըս մեռած,
Տրխություններս անուշ ու անբիծ
Եվ ընդմիշտ անդարձ անուրջ ու երազ...

Վ. Տերյանը ունեցել է նաև հուսահատության, օրերի անդարձության կեղեքիչ հոգեկան պահեր:

Իջել են մըթին խոհերը վրաս,
Սառն է հիմա իմ գիշերը անափ.—
Եվ չըկա ոչ մի լուսեղեն տափնապ,
Եվ ոչ մի երազ և ոչ մի երազ...

⁴ В. Терьян. Неизданные письма. Ереван, 1970, с. 77.

Անուրջներն ու երազները այլևս երևում են անդարձության խորհրդանշանով («Ես օտար եմ արդեն այն հողին, ուր վեհ էր երազը...», «Էլ ոչ մի կանչի էլ ձայն չեմ տալիս...», «Անվերջ վհատում և դառնություն է լսված իմ հոգում», «Ոչ անուրջ կա ապստրկյուն, ոչ սեզ լողձանք ու խոկում», «Իմ հոգում է անվերջ սուգ ու լաց», «Միայնություն իմ հոգու մեջ», «Իմ մենակ սիրտն է ցավագին ճշում» և այլն, և այլն)։

Մասնավորապես «Գիշեր և հուշեր» բանաստեղծական շարքը ողորդված է անելանելիության նման ապրումներով, որը բանաստեղծին, բնականաբար, թելադրում է «մի ուրիշ աշխարհի կարոտը»։ Ռուս մեծ բանաստեղծ Ֆ. Տյուտչևի «И новый мир увидел я» մուտքային բնաբանով Վ. Տերյանը կառուցում է «Ոսկի հեքիաթ» շարքը, ուր «Գիշեր և հուշեր» շարքի անգարձությունյան գլխավոր հուզապրումին փոխարինում է Անտրտունջության գլխավոր մոտիվը։

«Գիշեր և հուշեր» շարքում նույնպես կային Resignation-ի՝ հնազանդության խոնարհության շեշտեր, սակայն «Ոսկի հեքիաթի» մեջ դա դառնում է որակ՝ հետևյալ բանաձևով.

Սիրտ իմ հոգնած, մեզմ օրներգիր,
Հնապանգ ու ցնորուն,
Իրկինք ու ձոզ, ամպ ու երկիր,
Այս մարգերն ու այս առուն։

Իդիր դու էլ պայծառ ու հեզ,—
Հեքիաթ, հանգիստ ու երազ...

Մթնշաղկան անուրջներին հետևում են գիշերային ժամերի մոռալ խոկումները, որոնց էլ հետևում են «նոր աշխարհի» ոսկի հեքիաթները։ Այս անցումները, ըստ էության, շրջապատույտ են հոգեկան աշխարհի պարունակներում, ուր, ինչպես արդեն ասել ենք, ճակատագրական դեր է ստանձնում Սերո՝ այս բառի ամենահարուստ բովանդակությամբ։ Սիրո՝ գոյության սկզբնաղբյուրի, մեծարման իր հայացքով Վ. Տերյանը ձեռք է պարզում «համընդհանուր սիրո» քարոզչի՝ Լև Տոլստոյի ուսմունքին, այն գեղարվեստագետի, որը եղել է իր կուռքը։ Դեռ ծննդավայրում՝ Գանձայում, հայրը՝ Տեր-Սուքիասը, իր որդուն դասեր է տվել «տոլստոյականության» գլխավոր կետերից՝ սեր, բարություն, խիղճ, կարեկցություն, գթություն, անձնագոհություն և այլն։ Տերյանի «տոլստոյական կողմնորոշումը»՝ «համընդհանուր սիրո» ուսմունքի յուրացման սլաքով, տեղ է գտնում և՛ ճեմարանական պարապմունքների, և՛ համալսարանական դասընթացի մեջ։ Ինչպես գրում է նամակներում Վ. Տերյանը, համալսարանում հատուկ օրեր ու ժամեր է առանձնացնում Լև Տոլստոյի գոականությունը և կյանքը ուսումնասիրելու համար։ Տոլստոյական պաշտամունքի մի դրվագն է մասնակցությունը «մեծ ձերույն» թաղմանը Յասնայա Պոլյանայում, այն արարողության, որի մասին պատմում է «Հորիզոն» թերթում տպագրած երկու նշանակալից թղթակցությունների մեջ։ Լև Տոլստոյը Տերյանի համար «աշխարհի գրողն» էր, ուստի և իր բանաստեղծություններով ևս նա ընդառաջ էր գնում «կյանքի ուսուցչի» դավանանքին, որոշ սահմաններում միստիֆիկացնելով նրա ուսմունքի պատվիրանները։ Սիրո, խղճի, բարության և այլ տոլստոյական արմատներ ունեցող հասկացությունների մեջ Վ. Տերյանը դնում էր խորհրդավոր բովանդակություն։ Դա նկատել է անգամ Մ. Գորկին՝ Վ. Տերյանին հուշակելով «միստիկ»։ Լև Տոլստոյը,— Վ. Տերյանի գնահատությամբ,— մարդկանց մոռանալ է տալիս առօրեական հոգսերը և միացնում է նրանց՝ «ասլրելու նրա ոգու, նրա մտքերի, նրա մեծության լույսի մեջ»⁵։ Բնորոշ է նաև նույն թղթակցության հետևյալ հատվածը. «Ես չեմ կարողանում հավատալ, որ չկա Լև Տոլստոյը՝

5 Վ. Տերյան. Երկերի ժողովածու. հ. 2, 1962, էջ 214—215։

մեր սիրտը մխիթարող, մեր խիղճը արթնացնող, մեր շնչին վատությունը վեհանձնաբար և սրտագին ներելու և արդարացնելու գործությունն ունեցող իրակ մարդը:

Կարելի է շահաձայնել ևև Տոլստոյի այս կամ այն կարծիքին, սակայն նրա իդեալը՝ մեր բոլորիս իդեալը պետք է լինի, որովհետև նա անժխտելի է և հավիտենական:

Մենք ամենքս կրկնություններ ենք—Տոլստոյը անկրկնելի է»⁶:

և Տոլստոյի ոգին ու լույսը աներկբայորեն իրենց հետագիծն են թողել վ. Տերյանի բանաստեղծական աշխարհի վրա, ինչպես սիմվոլիստների, առաջին հերթին՝ Ա. Բլոկի, ինչպես մայրամուտների երգչի՝ Ա. Պ. Չեխովի երազներն ու ցնորքները:

Դեռ 1912 թ., նախադգալով իր ժողովրդին սպասվող ահավոր աղետը, վ. Տերյանը գրում է.

Փշով են պատած ուղիներն մութ,
Մեր տեսիլքները սառն ու ահավոր,
Մեզ գգվում են միշտ գզվանքով մի սուտ,
Մեզ իաչ են, խաչ են հանում ամեն օր...
Մութ է, և ցուրտ է, և բուք, և բորան,
Մեր ուղիներում սարսափ է և մահ
Արյունոտ ուղի... երանի նրան,
Ով հայրենական տուն ունի հիմա...

«Հայրենական տան» հրազը վ. Տերյանի համար այն խարիսխն էր, որով հակադրվում էր անլույս, խավար, աղետաբեր իրականությանը: «Հայրենական տան» հրազանքի մեջ լսվում են իր տարաբախտ հայրենիքի զավակների ձայներն ու ճակատագրական զգացողությունները, այն ձայները, որոնք վ. Տերյանի քնարերգությունը հարստացնում են հայրենիքի բազմակողմանի կերպարով: Թեև իր բանաստեղծական առաջին քայլերից սկսած վ. Տերյանը ապրել է հայրենիքի կարոտի զգացմունքներով («Ես անջատված եմ հայրենի հողից, հայրենի տունը՝ իմ սրտին օտար» և այլն), սակայն «Հայրենիքը» նրա քնարերգության «առանցքներից» է դառնում 1912—1917 թթ. ընթացքում:

Հայրենիքի «անհատականացումը» ունի պատմահոգեբանական խոր բացատրություն: Վկայությունն են վ. Տերյանի այդ տարիների հրապարակային ելույթները և նամակները, մանավանդ Նվարդ Թումանյանին գրած «ծրագրային» խոստովանությունները: 1914-ին Տերյանը գրում է. «Վերջ ի վերջո ես սկսում եմ գալ այն եզրակացության, որ մեր հայրենիքի ցավը մեզ այնպես է մաշում, ջլատում, կեղեքում, որ մենք դառնում ենք անընդունակ ուրիշ բան հասկանալու կամ անելու: Դա մի հիվանդագին սեր է, դա մի անհաղթելի մոլություն է—դրա պրիզմայով է բացվում մեր առջև աշխարհը—այդ չափով ենք մենք մոտենում ամեն ինչի... Այդպես մեր հայրենիքի ոգին է մեռնում, իսկ մարդիկ կարծում են, թե կարելի է նրան կենդանացնել...»⁷:

Հայրենիքի տառապանքը հավասարեցնելով իր ինքնությանը («ինչպե՞ս ազատվես ինքդ քեզանից»), վ. Տերյանը նույն նամակում հայտնում է. «Դուք երևակայել չեք կարող, թե ինչպես է անցնում իմ կյանքը. ոչ թե անցնում է, այլ այրվում մի ներքին դառն կրակով, և ես անդոք եմ այդ կրակի դեմ և անօգնական: Եվ ես երբեմն մտածում եմ, որ դա ունի իր խորին և վսեմ իմաստը: Զե՞՞ որ այդպես, իմ հոգու նման, այրվում է և իմ երկիրը, «իմ նախնին»—գուցե դրա համար է այրվում և իմ հոգին, որովհետև իմ հոգու մեջ «նախնիայն չքնաղ հոգին է» այրվում: Եվ ես սկսում եմ զգալ ինձ կոշված

⁶ Նույն տեղում, էջ 216:

⁷ Նույն տեղում, հ. 3, էջ 360:

մեկը նրանցից, որոնց վիճակվել է «Նաիրյան» հոգու բարձր տառապանքը կրել իրենց հոգու մեջ»⁸։ Այս մտորումը վեր է հայրենիքի սիրո սովորական խոստովանությունից։ Այգ մտորումը մի վերջավորված, ամբողջական դավանանք է՝ կառուցված ճակատագրական այն տարիներին, երբ Նաիրյան հոգու բարձր տառապանքի վերլուծությունն ու գնահատականը դարձել էր հայոց հասարակական կյանքի օրակարգի ղլխավոր կետը։

«Հոգևոր Հայաստան» նշանավոր հոդվածում (1914 թ.) Վ. Տերյանը գրել է. «Հայկական հարցը նորից վիճաբանությունների առարկա է դարձել, նորից ամբողջապես կլանել է հայ հասարակության բոլոր խավերի ուշադրությունը... Ամեն մի հայ ներկա տագնապալի ու աղետավոր ժամին բնականաբար ջանում է թափանցել մշուշոտ ու անհայտ ապագայի խորքը իր հիվանդագին տարակուսանքների լուծումն որոնելով... Հայության համար շահագնաց կարևոր, կյանքի և մահու խնդրի բնավորություն ստացած այդ տարաբախտ հարցը իրերի ներկա դասավորությամբ դրված է հրապարակի վրա իր ամբողջ ծանրությամբ, անթիվ հույսերի, ցնորքների, մտահոգությունների, գուշակությունների և դատողությունների ժխտը ստեղծելով»։ Այնուհետև՝ «Արդեն թվում է, որ եթե անդամ այդ Հայաստան կոչված դժբախտ երկրում ոչ մի հայ չմնա, մենք դարձյալ պիտի այրվենք նույն իղձերով, նույն ցավադին, մեղ համար մի տեսակ կրոնական գունավորում ստացած այդ խնդրով։

Այդ հարցի այս կամ այն լուծման ծանր տարակուսանքներով և ոսկի երազներով սերունդներ են կրթվել, այս հարցի շուրջը պտտվող գրականությունամբ սնվել են սերունդներ, հայության համար մի ցավոտ ցնորք է դարձել այդ «Հայաստանը», մի ավետյաց երկիր, դյուխական մի անուն»⁹։

Նամակներում և «Հոգևոր Հայաստան» հոդվածի մեջ արտահայտված ցավագին շունչը աներկբայորեն տեղ է գտել «Երկիր Նաիրի» շարքում և մյուս այն բանաստեղծություններում, որոնք պատմում են ազգային ճակատագրից՝ փրկության սպասումներից մինչև փրկության հավատը։

Վերին աստիճանի հատկանշական է այն փաստը, որ «Երկիր Նաիրի» շարքում տեղ է գտել «Մի՞թե վերջին պոետն եմ ես» տագնապալից հարցումով սկսվող բանաստեղծությունը, ուր ահերոջ ու մահերով լցված Վ. Տերյանը երազում է.

Վտարանդի, երկրում աղոտ
կուսե՛ղ, քեզ եմ երազում,
եվ հնչում է որպես աղոթք
Արքայական քո լեզուն...

1913-ին գրած այս բանաստեղծության շուրջը ձևավորվում է «Երկիր Նաիրի» շարքը, ուր մեր հայրենեղությունը նվաճում է նոր բարձունքներ՝ և՛ գաղափարական շեշտերի, և՛ ձևական կատարելության առումներով։

Շարքի համար Մ. Յու. Լեյմոնտովից քաղված բնաբանը՝ «Людью отчизны я, но странною любовью», կանխորոշում է հայրենասիրական զգացմունքների արտահայտման ուղղությունը։ Ի տարբերություն XIX դարի ազգային-հայրենասիրական քնարի ռազմերգական ուղղության, ռազմականչերի և ազատության նահատակների մեծարանքների, Վ. Տերյանի հայրենեղությունը դառնում է ավելի ներհուն և ավելի խորքային։

Անտարակուսելի է, որ Տերյանը առանձին դեպքերում բանավիճում է անգամ XIX դարի ռազմերգության հետ, առաջադրելով հայրենիքի իր նոր կոնցեպցիան.

Դու հպարտ չես, իմ հայրենիք,
Տրտում ես դու և իմաստուն,
Կիզում է քեզ մի հուր կնիք,

Մի հրմայող ու հին խոստում:
Իվ միթե այդ վշտիդ համար
Չեմ սիրում քեզ այսպես քնքուշ

⁸ Նույն տեղում, էջ 361։

⁹ Նույն տեղում, հ. 2, էջ 303—304։

Եվ խոնարհվում քեզ պես համառ,	Եվ Լրգերդ մեզմ ու բեկբեկ,
Ո՛ր, հայրենիք, գառն ու անուշ...	Խեղճությունը խավար ու լուռ,
Զբոսացա խնդուն փառքիդ	Աղոթքներդ դառն ու ցավոտ,
Անցյալ ու հին փայլով երբեք.—	Զավակներիդ զարկը արխոր,
Սիրեցի հեղ, անքեն հոգիդ,	Եվ խռովերիդ լույսերն ազոտ...

Երբ այս բանաստեղծության հեղ ու խոնարհ հայրենիքի գծանկարը համեմատում ենք շարքի մյուս բանաստեղծությունների հնչերանգների հետ, ամենևին էլ չենք տարակուսում, որ Վ. Տերյանի ցավագին և «տարօրինակ» երբ չի պարփակվում լուկ հնազանդության և արամության սահմաններում։ Տրտմությունը, իհարկե, մեծ բաժին ունի հայրենիքի ճգնաժամային կացության վերապրումների մեջ («Ու հոգնած քայլով ահա կրկին վերադառնում եմ հայրենի հող», «Այնպես անխիղճ են և նրման լացին Լրգերն իմ երկրի, այնպես տիրագին», «Երկիրն իմ անբախտ և տղետավոր», «Երգում է դանգր լալկան» և այլն), այն Տրտմությունը, որի հիմքի վրա կառուցվեց աղգային բանաստեղծության այս մարգարիտը.

Մշուշի լճից,— տեսիլ դյուխական,—
Բացվում է կրկին նախին տրտում,
Ո՞ր երկրի սրտում թախծ կա աչքան,
Եվ այնքան հերոս— ո՞ր երկրի սրտում...
Լրտե՞ղ են քարերն այնպես վերամբարձ
Զեռների նման պարզված երկնքին,
Որտե՞ղ է աղոթքն այնպես վհճ ու պարզ
Եվ դժարերումն այնպես խնդողին...
Լրտե՞ղ է խոցում այնպես շար ու խոր
Սիրտը մարդկային գաշույնը քինոտ,
Որտե՞ղ է հոգին այնպես վիրավոր,
Եվ անպարտ երկիրն այնպես արշնոտ...

Տերյանին շատ հարազատ, ընդհատում շունեցող տիրագին հնչերանգները բնավ էլ չեն նշանակում, թե նրան հարազատ չեն նաև մաքառման ու հավատի տրամադրությունները։ Ծիշտ հակառակը։ Վ. Տերյանը իր քնարերգություն շտեմառանների մեջ հավաքելով ժողովրդական ցասման և բմբոստացման, արիության և խռովության պաշարները, «յոթնապատիկ խոցված Տիրամօրը» հրահանգում է.

Վա՛խր երկունքի գլշերում խավար
Հրո՛ւ մկրտված նախյան հոգին...

Վհատության՝ աղետի իսկ օրերին, Վ. Տերյանը գրում է նախյան երկրի գալիքի հանդեպ հավատով լի բանաստեղծություններ.

Անրակուտ է մեր հոգին— դարերի դավակ՝
Շատ է տեսել մեր սիրտը ալեր ու կրակ:

Բարրությունը շատ կղան ու կանցնեն ան՛ետ,
Արքայա՛տն իրաբը մեր կը՛նա հավետ...

Դժվար չէ նկատել, որ իր հայրենասիրական նվազներում Վ. Տերյանը գաղափարաբարոյական չափանիշների հարազատություն է հայտաբերում անցյալ դարաշրջանների հայ գրականության ավանդների հետ՝ սկսած Մովսես Խորենացուց մինչև Խաչատուր Աբովյան և Միքայել Նալբանդյան, ալտեղից էլ մինչև Հովհ. Թումանյան ու Ավ. Իսահակյան, ժողովրդին անշահախնդիր ծառայության ավանդներին:

Վահան Տերյանի համար նաիրին ետնաշխարհ չէր, այլ կենդանի, հզոր Ապագա, որին և ուղղված էր նրա հայացքը.

Երկնի՛ր իմ Երկիր հավատով անմար,
Սուրբ է քո ուղին և պռակը՝ վեհ...

Նվա մի շատ էական առանձնահատկություն. հայրենիքը Վ. Տերյանի համար ոչ միայն աշխարհագրություն է, այլև ժողովուրդ, աշխարհագրության և ժողովրդի միասնություն, ժողովրդյան հայրենիք: Այս կետում Վ. Տերյանը հաղորդակցության էր գնում Հովհ. Թումանյանի հետ, որը նույնպես այն մրտ-բին էր, որ գրականության հայացքը պետք է նետվեր ոչ թե Մասիսի վեհա-փառ գաղաթներին, այլ նրա հովանու տակ ապրող, ժողովրդին, մարդկային բազմություններին ու անհատներին:

Այսպես, Տերյանի քնարերգության մեջ հայրենիքի խորհրդանշան է դառնում Մայրը, որին ձոնում է իր ամենատպալուրիչ և հուզական բանաստեղծություններից մեկը.

Կարծես թե դարձել եմ ես տուն,	Նայում եմ, մինչև որ անդոր
Բոլորն առաջվանն է կրկին,	Դուխըս ծնկիդ է թեքվում.
Նորից դու հին տեղը նստում,	Նորից ես մանուկ եմ այսօր,
Շարժում ես իլիկը մեր հին.	Դրախտ է նորից իմ հոգում:
Մանում ու հեքիաթ ես ասում,	Արևը հանգչում է հեռվում,
Մանում ես անվերջ ու արագ,	Գետից բարձրանում է մշուշ,
Սիրում եմ պարզկա քո լեզուն	Հեքիաթիդ անվերջ օրորում,
Ջեռներդ՝ մաշված ու բարակ:	Իլիկդ խոսում է անուշ...

Ահով ննջող խրճիթները, խեղճ գլուղները, տխուր դեմքերը, մեղամաղձիկ երգերը, ավերակ տները, զանգակների զարկերը, հին տրտունջները՝ այս ամենը առարկայացնում են միասնացած հայրենիքի և ժողովրդի պատկերը, բանաստեղծին թելադրելով տունդարձի՝ վերադարձի տեսիլները: Այդպիսի մի տեսիլ էր Մորը նվիրված վերոբերյալ բանաստեղծությունը: Այդպիսիք են «Հովիվներն այնտեղ կրակ են արել», «Լինեի չոբան սարերում հեռու» և նման ըղձասացությունները, ուր Վ. Տերյանը երևում է իր խոնարհ ժողովրդին անմնացորդ ձուլվելու, նրա էության մեջ «հալվելու և ծավալվելու» ուխտով:

Սիրո, տխրության, աշնանաթափի, մթնշաղիների, «բեկված հոգիների» քնարերգուն բանաստեղծական առաջին քայլերից սկսած դիմել է նաև այսպես ասած «քաղաքացիական մոտիվների»: Դրա արտահայտությունն են ոչ միայն հայրենի տան ողբերգական ներկայի և սպասվող լուսավոր ապագայի ներշնչանքները, այլև դեռ ճեմարանում ծրագրած «Փշե պսակ» շարքի, նաև «Վերադարձի», նաև կենսագրության վերջին շրջանի շատ բանաստեղծություններ: Դրանց մեջ է հանրահայտ «Լուսաբացին նա բարձրացավ կախաղան»-ը՝ հայոց բանաստեղծության պատմության մեջ երբևէ ստեղծված նահատակության լավագույն պատմներից մեկը.

Լուսաբացին նա բարձրացավ կախաղան
(Արևածագ, օ՛, արշալույս արյունոտ),
— Կանգնած էին զինվորներն ու քահանան,
Դունատ ու լուռ կանգնած էին նրա մոտ:

Անտարակուսելի է բանաստեղծության շարժառիթը: Դա արձագանքն էր 1905 թ. հեղափոխության շրջանի «արյունոտ» անցքերի:

Ուրիշ բովանդակություն ունեին 1905—1908 թթ., միանգամայն ուրիշ 1910 թ.՝ ցնծության, հոգու հարության, «գայրություն ու կովի» թվականը, որը հարուցում է համապատասխան զրնգուն, խենթ, ավյունալից հնչերանգներ, վերադարձի խոսքեր.

Մենության խավար զնդանից կրկին
 Ես վերադարձա հզոր և հպարտ,
 Ի՞նչ ինձ ողջունեց աղմուկը զվարթ,
 Ու նոր խնդությամբ այրեց իմ հոգին...

Ուղում եմ վաղվա ցնծության գուշակ,
 Կարոտըս նետած լուսնի ճեղքում,
 Վառել հրգեթըս որպես դրոշակ,
 Ու մեռնել, որպես հերոսն է մեռնում...

Չափազանց ուշագրավ է այն պարագան, որ 1910 թ. սկսած մինչև տասնամյակի վերջը Վ. Տերյանի քնարերգության մեջ պարբերաբար հայտնվում է «հերոսության» մարտիրոսության մոտիվը։ Այդ միտումի արտահայտությունն էին Ստ. Շահումյանին նվիրված Գաղելը («Սիրտդ որպես վառ ատրուշան...»), մաքառման և աղատության կանչերը, կյանքի ճակատագրական թվականին՝ 1919-ին գրած ինքնահանձնարարականը.

Եւ ծաղրածու զվարճաբեր, ոչ խոսքերի վարժ վարպետ—
 Կոչված ես գու վերին կոմբոլ որպես պայծառ մի ասպետ:
 Դու մարգարե պիտի լինես, իտալկիր և մարտիրոս,
 Խարուկ ու խաչ պիտի ելնես— ոչ իբր ստրուկ՝ այլ հերոս:
 Խոսքըդ պիտի լինի դաշույն, սիրտըդ՝ կրակ ահավոր,
 Պիտի լինես հեղ, որպես որբ, վեհանձն, որպես թագավոր...
 Պիտի բանաս սիրտըդ բոբբոք ամեն սրտի դեմ,
 Պիտի լինես միշտ հրահրուն և միշտ լուսնդեն:
 Եվ անտի օրերի մեջ պիտի վառվես որպես ջահ,
 Որպես բարիք ընդունես միշտ ե՛ր տանջանք, ե՛ր մահ...

Խաչակիր-մարտիրոս-նահատակի կերպարը, իհարկե, նորություն չէր հայ գրականության համար, այդ կերպարը, սկսած V դարից (Եղիշեի պատմությունից) մինչև XX դարասկիզբ, ուղեկցել է հայ գրականությանը իբրև նրա առանցքային կերպարներից մեկը։ Այս կետում Վ. Տերյանի ավանդն այն էր, որ հերոսական նահատակության թեման նա դիտեց իբրև ժողովրդական բաղժությունների իդեալների համար մղած պայքարի արտահայտություն։

Սա նորություն էր «հերոսականի» գեղագիտության մեջ։

Թեև ասացինք, որ Վահան Տերյանի քնարերգությունը չի ունեցել զարգացման աստիճաններ, այսպես ասած՝ «անցումային որակներ», սակայն նրա հետ է եղել նոր բանաստեղծական ճանապարհի զգացողությունը, մանավանդ 1910-ական թթ. ուսական կայսրության սահմաններում իրականացվող հասարակական-քաղաքական տեղաշարժերի՝ «հեղափոխական ցնցումների» հարուցած նոր երգի ստեղծման շարժառիթով։ Այսուամենայնիվ, իր իսկ խոստովանությամբ, Վահան Տերյանը ի վիճակի չի եղել դուրս գալ նոր հուն՝ հաղթահարելու «տխուր խոսքերի» քնարերգության կաշկանդումները։ Այստեղ դեռ է խաղացել ոչ այնքան իներցիան, այլ այն զգացողությունը, որ, չնայած ներքին հզոր շարժումներին, կյանքը դեռևս չի բացել իր լայն թևերը՝ լիաբուռն ազատություն բերելու հոգեկան մեկության սովոր մարդկանց։

«Ցուլակին» (Ցուլակ Խանդադյանին—Ս. Ա.) վերնագրով չափածո նամակում Տերյանը «հեռավոր ընկերոջը» հայտնում է իր ճշմարտությունը.

Դու կամենում ես նոր երգեր լսել
 (Անկատար մնաց իմ խոստոված հին),
 Տխուր խոսքերից հոգնել եմ ես էլ,
 Իայց կյանքն է տերը՝ մենք նրա գերին...

Հոգիս լցված էր երգերով հպարտ,
 Բացվում էր իմ դեմ մի նոր ճանապարհ,
 Բայց հանկարծ երգս մնաց անավարտ,
 Ու նորից տիրեց իմ սրտում իսավար:

Մի ուրիշ խոստովանության մեջ, որի սևագրությունն է հասել մեզ,
 Վ. Տերյանը գանգատվում է, որ իր «մեղմ ու ցավագար» երգի սահմանագիծը
 ինքն անկարող է հաղթահարել, որ հին, «վշտոտ երգը» կրում է իբրև խաչ:

Ձեզ ճշան է հարկավոր, և փող, և թմբուկ,
 Իսկ իմ երգը միշտ տխուր, երգըս լլտի ու սիրո,
 Եվ ես անօգ, ես անօգ, որպես մի մանուկ,
 Ես երգիչ եմ, երազող,
 Աշխարհի դեմ, շարի դեմ,
 Ողջակեզ եմ
 Զոհ...:

Այնուհետև՝

Մահապարտի պես եմ ես—
 Համր ու անզոր ձեր առաջ...:

Այսուամենայնիվ, կենսագրության վերջին հանգրվանում (1917—1919)
 Վ. Տերյանի քնարերգության մեջ, դեռ սաղմնային վիճակում, հայտնվում են
 նոր գծեր, առավելապես գործողության կողմնորոշումով, նաև նոր գույներ ու
 նոր տոնային-շեշտային հատկանիշներ:

Վ. Տերյանի բանաստեղծական աշխարհի նորացումները կապվում են ոչ
 միայն արտահայտչության նոր եղանակների ներմուծման, պայթյունային
 տոների ու ժեղացման՝ «ստատիկայի» հաղթահարման, այլև բանաստեղծա-
 կան տեսադաշտի լայնացման հետ: Ինքնասուզումներից նրա քնարը ծավալ-
 վում է դեպի համամոլորակային առժառօթումներ:

Նորդարյա հայոց պատմության առեղծվածներից մեկն է այն պարագան,
 որ Վահան Տերյանի պես նուրբ, մեղմաձայն, տաք հուզմունքներով ընթեր-
 ցողներին գերող ու վարակող քնարերգուն ի հայտ է բերել հանրային գործչի
 բացառիկ հարուստ տվյալներ: Վ. Տերյանի նկարագրի նման ուղղության մեջ
 դեր են ունեցել և՛ իր տոհմաժառից՝ նախնիներից փոխանցված «դեները»
 (մեմուարիստների վկայությամբ Տեր-Ղազարից մինչև Տեր-Սուքիաս եղել են
 շրջապատում ընդգծվող, վառ անհատականություններ), և՛ 1900—1910-ա-
 կան թթ. ռուսաց իրականությունը, ուր նա ստացավ քաղաքական մկրտու-
 թյուն, և՛, առավելապես, հայ ժողովրդի համար ստեղծված դժվարին կացու-
 թյունը, որը կարիք ուներ Վ. Տերյանի նման անվեհեր հանրային գործիչների:

Վահան Տերյանը դարասկզբից՝ ճեմարանական տարիներից արդեն ապ-
 րում էր իր ազգային իրականության և, առհասարակ, կյանքի արմատական
 վերածնության լայնաշունչ ծրագրերով: Իրեն մտահոգող կյանքի վերանո-
 րոգման ծրագրերը նա ձևակերպել է ռուս մեծ վաթսուականի՝ Ն. Դոբրո-
 լյուբովի հայտնի խոսքով. «Երբ է գալու իսկական օրը»: Տերյանը ոչ միայն
 սպասում էր իսկական օրվա գալստյանը, այլև եռանդուն ու անձնագոհ մա-
 նակցություն էր բերում Ռուսաստանի կայսրության մեջ ապրող ժողովուրդ-
 ների «նոր արշալույսների» կերտմանը:

Հանրային գործչի նրա կեցվածքը արտահայտվում էր երկու կերպ, մեկ՝
 հեղափոխականի, մեկ էլ՝ մտավոր շարժման ազդարարի: Արդեն լազարյան
 ճեմարանում, հավանաբար Ալեքսանդր Մյասնիկյանի հայտնվելուց հետո,
 Վահան Տերյանը ներգրավվում է ժամանակի քաղաքական բուռն անցուղար-
 ծի մեջ, հանդես է գալիս ցարական «զզվելի կարգերի» (իր խոսքերն են)
 դեմ ուղղված աշակերտական խռովությունների շարքերում: Ճեմարանը ժա-

մասնակավորապես փակվելու կապակցությամբ Վ. Տերյանը 1906 թ. սկզբին իր համախոհների՝ մերձավոր ընկերների հետ «հեղափոխական պրոպագանդայի» նպատակով գալիս է Կովկաս («Ճեմարանում ուսումը դադարել է և ես եկա Կովկաս,— գրել է 1906 թ. փետրվարի 9-ին, Ս. Օթարյանին)։ Վերադառնալով Մոսկվա և դառնալով համալսարանի ուսանող, Վ. Տերյանը ավելի մեծ եռանդով է մասնակցում հասարակական-քաղաքական անցուդարձին։ Նա մասնակցում է Ալ. Մյասնիկյանի գլխավորած «Հայ հայրենակցական միության» հավաքություններին, ուր արծարծվում էին նաև ազգային-քաղաքական խնդիրներ։

Բանաստեղծի հակացարական տրամադրությունների՝ «հակապետական» գործունեության համառոտ ամփոփագիրն է տերյանագետ Սաքո Սուքիասյանի հրապարակած «Վահան Տերյանը ցարական օխրանկայի տեսադաշտում» հետազոտությունը,¹⁰ ուր բազմազան փաստաթղթերով վավերացվում է Վ. Տերյանի՝ իբրև ցարիզմի համար «քաղաքական անբարեհյուսի» փաստը։ Կարճ ժամանակով հայտնվում է Մոսկվայի «Բուտիրյան» կոչվող բանտում, ազատվելուց հետո անցնում է Բաքու, ուր հանդիպումներ է ունենում նավթաշխարհի բանվորների հետ, որոնք նրան ներշնչում են առույգ տրամադրություններ։ «Հոգեպես առույգ եմ, ինչպես երբեք»,— գրում է իր մտերիմներից մեկին՝ Օնիկ Օհանջանյանին։ Բաքվում Տերյանը հանդիպում է նաև Ալեքսանդր Մյասնիկյանի հետ, որը, իր ասելով, նրան ներշնչում է ապագայի հանդեպ լուսավոր հավատի ապրումներ։ «Հոգիս զարթնել է նոր կյանքի համար»,— մի նամակում բերում է իր բանաստեղծական նշանակալից տողը և ավելացնում՝ «բայց դեռ չկա այդ կյանքը, իսկ արդյո՞ք կլինի երբեք, դա անհայտ է»։ Մի ուրիշ նամակում, դարձյալ գրված 1907 թ., ասում է. «Անցյալն ինձ համար մեռավ, ողջունում եմ ապագան»։

Ճեմարանական, համալսարանական, ապա նաև կենսագրության պետերությունյան շրջանի հեղափոխական գործունեությունը և նամակներում արտահայտած դատողությունները վկայում են Վ. Տերյանի տեսական բարձր գիմնականությունը, գործնականությունը, վարքագծի ճշմարտությունը։ Բնորոշ են հատկապես 1907 թ. հուլիսի 22-ին Օնիկ Օհանջանյանին գրած նամակի այն տողերը, որը ներկայացնում է հանրային գործչի իր պատկերացումը. «Մի բան միայն կարող եմ ասել, որ քանի գնում, այնքան ամրանում եմ իմ մեջ իմ հիմնական սկզբունքները և քանի գնում, այնքան շմտածված զգայական խոյանքը փոխարինվում է իմ մեջ խոր, համոզված էնտուզիազմով։ Ասեմ ավելի պարզ։ Իմ խորին համոզմունքով ոչ մի գործ չի կարող կատարվել առանց զգացմունքի։ Առավել ևս հասարակական գործը։ Սակայն, վերջին դեպքում (երբ գործը հասարակական է), ավելի քան որևէ այլ ժամանակ, բանականությունը պետք է ընթանա զգացմունքի հետ ձեռք-ձեռքի տրված»¹¹։

Անցնելով աշխարհայացքային զարգացման որոշակի փուլեր՝ պատանեկան տարիների «նեոնարոգնիկական» հայացքներից դեպի «հումանիստ ուտոպիստների» ալտրոփստական դավանանքը (սոցիալիզմի իբրև «բարոյական եղբայրության» ըմբռնումով), այստեղից էլ դեպի հասարակական երևույթների մարքսիստական մեկնաբանությունը (այստեղ անպայմանորեն դեր է ունեցել նրա անձնական մտերմությունը Ստ. Շահումյանի հետ), Վ. Տերյանը ոտք է դնում հեղափոխական կոնկրետ գործողության ասպարեզ։ 1916—1920 թթ. նրա գործունեությունը դրա վառ ապացույցն է։ Պատահական չէ, որ իբրև «Հայկական հարցի» խորհրդատու Վ. Տերյանը սովետական պատվիրակության կազմում 1918-ին մասնակցում է Բրեստ-Լիտովսկի բանակցություններին (Վ. Ի. Լենինի հանձնարարականով), այնուհետև իր ձեռքն է վերցնում Ազգությունների գործերի Կոմիսարիատի հայկական գոր-

¹⁰ Է. Ե. Վահան Տերյանի կյանքից. Երևան, 1959, էջ 2—24։

¹¹ Վ. Տերյան. Երկերի ժողովածու. հ. 3, էջ 167։

ծերի կոմիսարիատի փաստական ղեկավարությունը (կոմիսար Վ. Ավանեսովը՝ Կենտրոնականի քաղաքականության էր) և այլն:

Հեղափոխության հորձանքների մեջ նետված Վահան Տերյանը, ինչպես վկայում են վավերագրերը, պետական-գիտնականական ծառայությանը անդամացած զորավար զորավար է նաև հայ ժողովրդի ճակատագրի համար մեծագույն նշանակություն ունեցող խնդիրներով: Ամենից ավելի նշանակալից դործը, որ կատարում է, Թուրքահայաստանի մասին նրա գրած Զեկուցագիրն է և Դեկրետի նախագիծը (վավերացվել է 1917 թ. դեկտեմբերի 30-ին), որն արժանանում է Վ. Ի. Լենինի հավանությանը: 1919 թ. վերջում գրած մի նամակում Տերյանը գրում է. «Ներկայացրի մի Записка Հայաստանի (Տաճկ.) մասին և проект декрета об Армении... Այսօր զրույց ունեցա ադաթիվ ընկ. Լենինի հետ, որին բացատրեցի, թե ինչու անհրաժեշտ է առաջիկա զորքերը չհանել Հայաստանից և պայմանավորել Հայաստանի ինքնորոշումը արքայազնների և փախստականների վերադարձով և այլ գարանտիաներով»¹²:

Վ. Տերյանը ազդեցությունների կոմիսարիատում աշխատելու ընթացքում մեծ գործ է արել Հյուսիսային Կովկասի ստանիցաներում կենտրոնացած բազմահազար հայ գաղթականության նյութական և կուլտուրական էարիքները բավարարելու համար: 1918 թ. ամռանը նա է գլխավորել Հյուսիսային Կովկաս մեկնած հատուկ պատվիրակությունը, որի խնդիրն էր պարենամթերքով, դեղորայքով, զրամով օգնել թուրքական կոտորածներից փախստական արևմտահայության բեկորներին:

Վահան Տերյանի հանրային գործունեության մեջ առավելապես մեծ տեղ են գրավում մշակութային շինարարության խնդիրները՝ կապված հայոց պետականության նոր ձևի՝ «Հոգևոր Հայաստանի» կառուցման հետ: Ինչպես Հովհ. Թումանյանը, Վահան Տերյանը ևս ազգի առաջադիմության մշակութային տարբերակի դավանանքին էր և գտնում էր, որ պետք է բոլորակողմյան խթանել հոգևոր արժեքների կատարելագործումը: Տերյանը գրում է. «Բացի արտաքին արգելքների հաղթահարելուց, ամեն մի՝ ազգ կազմելու ցանկություն ու կամք ունեցող ժողովուրդ անհաղար պիտի ստեղծի այն արժեքները, որոնք նրա ինքնության առհավատչյան են»¹³: Այնուհետև՝ «Հոգևոր Հայաստանի» կառուցումը ծանր ու տևական աշխատություն է պահանջում, անթիվ կյանքերի տոկոսն՝ հավատ և գիտակցություն, անարյուն, բայց ազնիվ, գուցե ավելի դժվար, ավելի ահավոր դոճաբերում, քան արյունի դոճաբերումը»¹⁴:

Տերյանը ոչ միայն տեսականորեն էր առաջադրում «Հոգևոր Հայաստանի» ծրագրերը, այլև մի շարք քայլերով գործնականացնում էր իր քաղաքական ծրագրերը: Դրա արտահայտությունն էին «Դարուն» ամսանախի հրատարակությունը, «Պանթեոն» հրատարակչական ընկերության կազմակերպումը (գլխավոր խնդիրներից մեկը համարում էր համաշխարհային գրականության թարգմանությունը), Լուսնդուն մասնակցությունը Մ. Գորկու խմբագրած «Сборник армянской литературы» գրքին, պարբերական մամուլի կատարելագործման մտահոգությունները, հայոց արվեստի «առեղծվածի» բացատրության համար գործադրած ջանքերը, վերջապես՝ ազգային լեզվի և գրականության զարգացման լայնահուն ծրագրերը, որին էր նվիրված 1914 թ. կազմած «Հայ գրականության գալիք օրը» պատմական դասախոսությունը:

Վահան Տերյանի ծննդյան հարյուրամյակը՝ նշանակալից հոբելյանական տարեթիվը, գրականագետ-բանասերներին, լեզվաբաններին, արվեստաբան-

¹² Նույն տեղում, էջ 480:

¹³ Նույն տեղում, հ. 2, էջ 315:

¹⁴ Վ. Տերյան. Երկերի ժողովածու. հ. 2, էջ 317:

ներին, հասարակագետներին, մշակութագետներին թելադրում է նորովի, արգիականության գիրքերից լուսաբանել մեծ բանաստեղծի, խորունկ մտածողի, հասարակական երանդուն գործչի ժառանգությունը, լուսարանել գրական-պատմական, փրիսոփայական, գեղագիտական տեսանկյուններով, ասպարեզ հանել նրա ժառանգության անանց նշանակությունը ազգային պատմության և մշակույթի ճակատագրի մեջ:

ВААН ТЕРЬЯН

(К 100-летию со дня рождения)

Доктор филол. наук С. Б. АГАБАБЯН

Резюме

Начало XX века поставило перед армянской поэзией новые задачи, которые предполагали новые, нетрадиционные решения. В то время как поэзия XIX в. была скована определенными тематическими рамками, преимущественно национальной истории и освободительной борьбы, поэзия начала XX в. рядом с национально-политическими чаяниями открывала новое русло для личных переживаний человека, его внутреннего духовного мира. Одним из творцов художественного переворота в армянской поэзии стал Ваан Терьян, певец тончайших человеческих чувств и глубоких переживаний. Некоторым из богатейших пластов его творчества и посвящена эта статья. В статье освещаются также страницы общественной деятельности Ваана Терьяна, его заслуги перед Октябрьской революцией и вклад в культурное возрождение армянского народа.